

Rasvjetljeno krivično djelo razbojništva

Dana 26.09.2019.godine u 03,50 sati, obaviještena je Prva PU da je u kući, u ulici Sumbul česma, općina Stari Grad Sarajevo, od strane tri NN lica izvršeno krivično djelo razbojništva nad S.B. iz Sarajeva. Tom prilikom maskirana NN lica su uz prijetnju vatrenim oružjem, otuđila određenu sumu novca, LCD televizor, mobilni telefon i određenu količinu prehrambenih artikala, a zatim se udaljila u nepoznatom pravcu. O prednjem je obaviješten tužilac Kantonalnog tužilaštva Kantona Sarajevo, a uviđaj su obavili policijski službenici Uprave policije MUP-a Kantona Sarajevo. Radeći na rasvjetljavanju navedenog krivičnog djela, policijski službenici su pomenutog dana u 15,00 sati, pronašli i lišili slobode lica: H.O., rođen 1994.godine u Sarajevu, S.U., rođen 1988.godine u Sarajevu i A.D., rođen 1982.godine u Sarajevu, gdje su i nastanjeni, zbog postojanja osnova sumnje da su počinili krivično djelo iz člana 289. KZ F BiH (Razbojništvo). Tom prilikom kod O.H. je pronađen i oduzet pištolj NN marke, kalibra 7,62 mm, dok je kod S.U. pronađen mobilni telefon, za koji se sumnja da potiče iz izvršenja navedenog krivičnog djela. Izvršenim provjerama utvrđeno je da je za licem O.H. raspisana potraga, zbog postojanja osnova sumnje da je u u proteklom periodu počinio krivično djelo izazivanje opće opasnosti. Lica lišena slobode su predana u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju kriminalističku obradu nad istim.

27.09.2019

© Ministarstvo unutrašnjih poslova KS 2011., 2015. Sva prava pridržana. Izrada. Zavod za informatiku i statistiku KS
(<https://zis.ks.gov.ba>)

Početna (<http://mup.ks.gov.ba/pocetna>) | **RSS izdvojeno** (</rss/izdvojeno>) | **RSS konkursi** (</rss/konkursi>) | **RSS javni pozivi** (</rss/pozivi>) | **Struktura stranice** (<http://mup.ks.gov.ba/sitemap>) | **Kontakti** (<http://mup.ks.gov.ba/gradjanstvo/kontakti>) | **E-pošta** (<http://mmail.ks.gov.ba>)

